

115 年全國語文競賽臺灣原住民族語言朗讀文章 【北排灣語】 國小學生組 編號 4 號

nekanu sivalan nu ru'rimuan(ru'utjavan)

aicu a ru'rimuan/ru'utjavan a sikudan na kakedriyan, kemuda nu temulu itjen? pay ku pasemalavai mun ta sinitulu ni vuvu i 'uras.

ka kakedriy anan aken, izua ka makatalj, inikapa'enetj ki langkingki tua nema niakinacemekeljan. tjuruvu a namangtjez a masilevan tua nia uma'. 'aw ti vuvu ti kina ti kama napadjele tua liav a mrekekakanen. tjajamalevan a marekakakedriyan nu kana izua liav a kakanen. mayasa ku ramiramilj a namapelju' a angalj tua ljualju a pinakirimu, matu karang a na benukulj/ma'imi.

azua a namangetjez a kivala a ti vuvu i 'uras, kapacun a ku kinakemudan sa maljikay a 'ivu ta" ya! bu! sasu valan a keman ayau! djaljavaken uta ri nu keman. pay palalumalji numaya tuki tima tjaliav saka tjadjaljav a sikanan?" a papudjalim tjanuaken. tazua malap aken tu ki tjelu ki sepatj ta pinkan saku pasa angalji a 'emele'el a kismulja. 'aw ti vuvu i 'uras djemelidjeli sa sigaljugalju a keman, nu makakan anga ta ita mana malap a mumalj tu ita sa kan, matu ljemikaljikay tjanuaken.

ka makakan tu liam ta pingkan ti vuvu i 'uras. ma'utjav aken sa pakirimu aken a pasa angalj tu ita a pingkan, manu mapelju'anga itjaladj ta

ku angalj, sa metad anga a ngadjai itua ku angalj, pazangal aken a lemamed, kirimu aken a vaik a kipakim ta zaljum a temekel. ka masuzekel sa cemikel aken, manu nekanga tjeza a pingkan kumalji a ita, puljatjinanga ni vuvu i 'uras a pingkan. "nekanu tjasivala nu ru'utjavan a cawcau! " aya ti vuvu i 'uras a djemelidjeli sa 'ivu a mayatucu,, " majlimalji sa su pingkan ri! sangua' aravac!" sa kipusau tjai vuvu sa vaik. 'aw tiaken na'emiladj aken i zaleman a cemuliculi a ngariangiangi inika ken a kemeljang tuki anema ku sinikakiru, inika ken a pulingalingaw uta tu akuazua pinuljatj a bingkan sa neka anga nu tjeza.

ka mema'acuvunganga ken mana pulingalingavanga aken ta tulu ni vuvu i 'uras, titjen a cawcau nu ikacauan itjen, kumalji a masengseng, a kitulutulu, a kipusengsengan ta nemanga, tjara izua tja sivaikan, tja pasusuan a sengesengan a pakarimurimu a pazangazangal, tjaljita sa tjajaluayin a 'emacuvung a tja sengesengan, nakuya 'emaravan a pavavala tu pakakintaljen a 'emacuvung. nu inikatjen a pasusu a lemangda tua tulu nua vavuluvulungan, tjara malap itjen tua tjasiselapay.

欲速則不達

有天來訪的舅公看我吃餅乾吃的鼓鼓的，笑著要跟我比賽誰吃得  
多、吃得快。我馬上抓了三塊還是四塊餅乾往嘴裡塞，舅公吃完一個  
才吃下一個，當舅公吞下第五塊餅乾時，我急忙再吞一口餅乾，卻難  
以下嚥，急著去找水喝，等回來，餅乾已被吃光！

長大後才了解舅公所要講的道理，無論是工作、學習、做任何  
事，一定要按照事情的輕重緩急、一件一件而且有條理的完成，不要  
貪心的妄想一次通通做完。不聽老人言，吃虧在眼前！